



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ალიშარ-ჰუიუქი

ალიშარ-ჰუიუქი (Alisar Hüyük), მრავალფენიანი არქეოლოგიური ძეგლი, ნამოსახლარი ბორცვი ცენტრ. ანატოლიაში, ქ. იოზგათის მახლობლად (თურქეთი).

1927-32 გათხარა ჩიკაგოს უნ-ტის ორიენტალური ინ-ტის ექსპედიციამ (ხელმძღვ. ჰ. ოსტენი, ე. შმიდტი). გამოიყო ა.-ჰ-ის I-VII ძირითადი კულტ. ფენები და I-XXX სამშენებლო ფენები, რ-ებიც მოიცავს ეპოქებს ძვ. წ. 3500-იდან სელჩუკთა და ოსმალთა ხანის ჩათვლით. ა.-ჰ-ის შესწავლის საფუძველზე შესაძლებელი გახდა ბრინჯაოს ხანის ანატოლიური კულტ. ქრონოლოგიური კლასიფიკაცია. მისი ადრინდ. ფენების ზოგიერთი მასალა მიჩნეულია საქართვე. და კავკ. არქეოლ. ძეგლების აბსოლ. ქრონოლოგიის საყრდენად. ალიშარ II და III ფენებში აღმოჩენილი პემატიტის მსხლისებური ფორმის ლახტისთავები და ბრინჯაოს ფართოყუნჩიანი მოგრძო სამკუთხა ფოთლისებური სატევარი ძალიან ჰგავს თრიალეთის ადრინდ. ბრინჯაოს ხანის გორასამარხებში ნაპოვნ ანალოგიურ ნივთებს. ა.-ჰ-ის ამავე ფენებში დადასტურებული ე. წ. კაპადოკიური კერამიკის მოხატულობის გავლენა ჩანს თაბაქენდისა და ნორ-ბაიაზეთის (სომხეთი) სტილის მოხატულ კერამიკაში, აგრეთვე თრიალეთური კერამიკის მოხატულობის ზოგიერთ ელემენტში. ა.-ჰ-ის ტიპის ადრეულ კაპადოკიურ კულტურებს მჭიდრო კონტაქტი ჰქონდა ადრინდ. ბრინჯაოს ხანის ამიერკავკ. კულტურებთან, განსაკუთრებით სპილენძ-ბრინჯაოსა და რკინის მეტალ. სფეროში. ა.-ჰ-ისა და ალიშარის სამაროვნებზე გვხვდება მსოფლიოში უძველესი რკინის ნივთები, რ-ებიც ძვ. წ. XXI ს-ით თარიღდება.

ლიტ.: გ ო გ ა ძ ე ე., თრიალეთის ყორღანული კულტურის პერიოდიზაცია და გენეზისი, თბ., 1972; К у ф т и н Б. А., Археологические раскопки в Триалети, [кн.] 1, Тб., 1941; O s t e n H. H. S c h m i d t E. F., The Alishar Hüyük, «Oriental Institute

Publications...», Chicago, 1930, v. 6, 1937, v. 29; S c h m i d t E. F., Anatolia through the Ages, Chicago, 1931.

ე. გოგაძე
